



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Q. 6. An Baptismus iterari potest?

urn:nbn:de:hbz:466:1-41032

quām Trinitatis personarum, quæ necessariæ exprimendæ sunt. Dubiæ autem sunt hæ formæ, in virtute, vel auctoritate, vel sub invocatione Patris, &c. Item in nomine Patris in nomine Filii, & in nomine Spiritus Sancti. & in nomine Genitoris, & Geniti & Procedentis ab utroque. Imò S. Thom. 3. p. q. 66. a. 5. ad 7. docet in aliis nominibus quām Patris & Filii, & Spiritus Sancti, non perfici Sacramentum.

Resp. IV. Non est de essentia formæ, ut exprimatur Minister saitem expressè: nam Cone. Flor. approbat hanc Græcorum formam, *Baptizatur talis servus Christi, in nomine Patris, &c. vel Baptizatur manibus meis talis, in nomine Patris, &c.*

Q. 6. An Baptismus iterari potest?

Resp. I. Est de fide Baptismum validè suscep-
tum nunquam posse iterati. 1. ex Ephes. 4.
Unus Dominus, una Fides, unum Baptisma. 2. Ex
traditione & praxi Ecclesiæ. 3. Ex Symbolo,
Confiteor unum baptismum. 4. Ex Florent. ex
Trid. sess. 7. can. 11. Unde Baptismi iteratio
est grave sacrilegium, tam ex parte dantis,
quām recipientis scienter, ex c. 108. & 118. de
consec. dist. 4. quia fit contra institutionem
Christi, applicando Sacramentum subiecto
incapaci; & per hoc significatur Christum
esse denuo morti ac sepulturæ obnoxium, ex
Heb. 6. cum per Baptismum commoriāmūr &
consepeliāmūr, Christo, Rom. 6.

Resp.

Resp. II. Iterari debet Baptismus sub conditione, dum post diligentem inquisitionem dubitatur an Baptismus sit datus. Constat ex S. Leone in c. 112. & 113. de consec. dist. 4. & aliis Canonibus, & ex cap. 2. de Bapt. ubi Alex. III. ait *de quibus dubium est, an Baptizati fuerint, baptizentur his verbis præmissis: si Baptizatus es, non te Baptizo. Sed si nondum Baptizatus es, Ego te Baptizo,* &c. idque sive dubium sit positivum, quia scilicet sunt rationes in utramque partem probabiles: sive fit negativum: quia scilicet nulla sunt indicia ad judicandum hominem esse baptizatum, c. *Parvulos*, de consec. dist. 4. Ratio est; quia alias homo probabili periculo damnationis exponeretur, ob parentiam Baptismi. Et aliud talis necessitas impedit omnem irreverentiam in Sacramentum, quod propter salutem hominum institutum est.

Idem dic, si sit probabile dubium an Baptismus datus sit cum sufficienti materia, vel forma, vel intentione: nam tunc & quæ perichitatur salus hominis; & Canones qui expressè loquuntur de dubio facti, intelligendi etiam sunt de dubio juris, quod est hic & equivalenter dubium facti; qui enim dubitat an Baptismus sit datus cum legitima materia, vel forma, vel intentione, & equivalenter dubitat an sit vere datus. Unde S. Greg. I. 12. Ep. 31. ait. *Nec talis dubitatio ruina fidelibus fiat, quoniam non*

mon-

monstratur iteratum, quod non certis indicis ostenditur ritè peractum.

Hinc sic rebaptizandi sunt Infantes expositi si non habeant schedulam, aut aliam notam collati Baptismi testem. imò juxta multos & varia Concilia, & Rituale Tullense, etiam si habeant, si re diligenter investigatā, nihil certi aliunde reperiatur: quia illa schedula, aliave nota ab ignoto, ideoque incertæ fidei auctore apposita non sufficit ad certitudinem moralē, quam tamen requirunt Canones ad non rebaptizandum. Hinc Conc. Carthag. c. plaeuit, dist. 4. de consec. ait: *Placuit de infantibus quoties non inveniuntur certissimi testes, qui eos Baptizatos esse sine dubitatione testentur, absque ullo scrupulo eos esse baptizandos.* Et verò charitas obligat ad suppeditandum proximo medium salutis necessarium, nisi constet jam adhibitum fuisse; alioqui ejus salus æterna morali periculo committeretur.

Dixi, *sub conditione*, ut vitetur periculum irreverentiae, & reiterationis Baptismi verè suscepti.

Q. 7. An ḡ quomodo Baptismus est necessarius?

Resp. I. Baptismus in re vel in voto necessarius est omnibus necessitate medii ad salutem, ex Joan. 3. Nisi quis renatus fuerit, ḡ c. extra traditione, ex Trid. sess. 6. cap. 4. & sess. 7. can. 1. Infantibus verò extra Martyrium necessarius est in re; cum sint incapaces voti, seu deside-

rū